



Politiit Paasiniaasartui (PET) pillugit inatsisip Kalaallit Nunaanni atulersinneqarnissaa pillugu peqqussummut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)
(Siullermeerneqarnera)

Siunnersuutip siunertaraa nunatsinni innuttaasunut ataasiakkaanut inatsisitigut isumannaatsuunissaat, aammalu PET-ip Kalaallit Nunaanni sulineranut Danmarkimisuut ataatsimoortumik malittarisassaqaalernissaq.

Demokraatit nalilerpaat inatsisissatut siunnersuummi kalaallit nunaannut tulluuttumik piviusunngortitsisoqarsimassasoq, tassami siunnersuut sammisamut tunngasuteqartunut tusarniaaffigineqarsimammat, aammalu suliassaqarfiit tiguneqarsinnaasut sillimaffigalugit, PET-llu inatsisaata malittarisassai ilai peerneqarsimaneratigut. Siunnersuut saqqummiunneqarsimasoq tulluartuusoraarput taamatullu isikkoqartillugu taperserparput.

Aalajangiiffigisassaattut siunnersuut taamaammat aappassaaneerineqarnissaanut akuerineqarnissaanullu ingerlateqqipparput.